

因樹屋書影

書影序

夫齊諧者志怪者也書

影者志信者也志怪者

為存人耳目之所未

經志信者為存已耳目

之  
所  
已  
經  
以  
發  
人  
耳  
目

所  
未  
經  
則  
標  
園  
先  
生

書  
可  
以  
傳  
矣  
或  
曰  
讀  
書

者  
務  
在  
精  
熟  
賈  
山  
涉

獵  
遂  
不  
得  
為  
醇  
儒  
至

一生聞見或師友之口  
義或父老之傳說少落  
影響則疑而當闕影  
至義何在乎余曰影者  
形之微而神主著者也

月麗於上山河大地麗  
於下影入於月而有象  
蓋天澤氣道而其中  
之勿渺難名澹涵莫  
盡者形微神著故相

摩而成文此造物者  
之善於用虛者也書以  
影名此先生之善於用  
虛而實天下之腹者也  
世人有疑難事

便極、而不能忘及至  
可忘則竟忘之矣課  
書亦然雖博聞強記  
或一行作吏久廢誦  
習則向之所能存焉者寡

矣及玉可忘竟忘之  
影也公乎哉公之卷  
未終恍已生其姓氏  
數行終過已不辨其  
偏旁齒莖而耕之其



寔自以鹵莽而振之

偶逢閑難則為隊

霧若行魚索則願

山河止向人作大家兒

嘆耳人能即此影

而存之以至成書而  
一展觀如見為見嬉戲  
時物如逢數十年如  
別友生未有不躊躇  
眷戀以至感而悲之而

喜且交併考他抑先  
生為是書時杜諸至  
尤為人所難苦無文  
出以被修繫獄神  
宗使人夜聽之謂必

展轉不寐及至則鼻  
息如雷知其骨中參  
事乃赦之張無垢晚年  
誦橫浦其寢室有短窗  
每日抱書立窗下讀

北歸寬平石上獲趺之

跡隱然先生能於患難

之際神氣恬然著書

不輟殆文忠無垢之傳

歟余受懷之實余腹

先意取時，具少。

酒脯以酬此書，年而

飲之，斗酒不足，多也。

康熙六年丁未，暢月穀旦，年

家治宣春第杜浹植書，謹撰。

書影本

一和七

錢唐倪榮書

序

識古人事易論古難論古人事易  
論今事難古人往矣不盡讀其  
書不能知也盡讀其書而解  
有異因傳有疑信文有在耶



帝帝之譌襍矣從以辨之  
則不存其學存其法也至人  
之事其教軌者既不能知至  
人之備有其書而其異同難信  
之跡出於道路之沿襲矣夫

門戶意見之私阿互訾者其  
請謬親古益甚至既取而論  
斷之而天下後世之有將立於  
吾可往者氣略失據與以私  
臆袒而左者之乎則又不獨存

乎其識存其所學之道誠不

足駕古人之上而不足為古人所

欺道不足以折古今之是非而

定其指歸即譬之溪皆足

佐我之眩惑馳騁而有以駁

益辨之患以成一家之言  
難矣夫以一人之心目網羅千  
百世之逸事微言於瑣組繆  
綴之中皆不失乎羽經異傳  
之意書若是可以傳矣豈求

之世未數、然亦陸續標園  
用書影其連類、亦不裁  
約、此實於來學不小也、近復  
得其魁老書影若干卷  
其類益侈、亦裁益密、其例益

所專書要於文之瑰奇多  
不收瑣之難殆無不析說之  
氣唐牴牾者不匹至於事  
繫人心義關名教挖揚反  
覆凌毫尤擊焉甚矣標園之

書之台手道也夫文單之異  
彭猴之怪終軍陸敬叔溪  
之魯襄之鑄鼎新莽之威  
斗釋道安何承天解之古  
之治閒雅戲不謂吾人必成

書者少茂先博物之志景純

山海之經成書矣然齊諧志

怪之爲於世多益也王元著

論衡十篇有之蔡中郎至

秘之帳中解折難詳而屬



賸不免劉子元史通一書可云

獨抒所見括中所援據多汲

家瑣語之類雖非多益於世

所學未確也近世海雅之儒多

如揚升菴主弄州升菴主

異聞而義時傷鑿矣  
辨論古事既苦其見之不實  
揄者病易誣習者失多

說者又參錢馬豈非

掌故而括間入偏其他

卷之五

論今事又患其見之不處乎豈  
不難哉豈不難哉標園是  
書至殆無矣也由其博綜以  
觀其學由至精核以觀其  
由至指歸之醇折衷之當以

觀其通近代來書之成一家  
言不可傳者必於是也標園  
天才絕去其詩文皆卓然大  
家中以種著以此劍有一味  
耳而富如法然又生三清室

之園樹至中他人之跡慘表仇  
者標園遇之皆其筆一墨沉  
酣之助者馬遷之困賢於室而史  
記成虞卿棄相印而素軒步  
古之著書立言者從之得之

夏患栢園惟非意而成是  
書栢園之書成而事大白是  
之益乃在天下未也嗚呼豈偶  
然哉

康熙元年壬寅秋日盱江年社

書影序

弟徐芳拜書

書影序

史稱劉穆之決斷如流  
目覽手裁耳聒口答五  
官並用靡不瞻舉乎初  
心疑之以爲世安有若



人徒靈語耳及從櫟園  
先生桴始信人之才力  
相越真非意量所及媿  
予猶榆枋之見也先生  
言語妙天下文章風雅

冠繼當時學者尊之若  
泰山歸之若百川之赴  
海予束髮受書便已讀  
先生之文震先生之名  
不啻蘇軾兒時之于韓

范富歐陽公徒以不獲  
埽其門為恨今來金陵  
始得執贄相與紮心晨  
夕而益歎先生之不可  
及也江南機務苟平文

書粉紉几案日盈數尺  
強半米鹽凌雜人格格  
不能通者先生觸目洞  
中機要剖決若神風行  
電掣倏忽立盡四方郵

問日至殊苦酬贈先生  
應時裁蓄靡有勸宮或  
索詩及古文辭揮豪輒  
就文不加點而辭采爛  
然朝夕一編手批口哦

窮丰屹屹唯以著述爲  
事嗚呼偉矣今士大夫  
既登仕版便謝去藝文  
日不暇給間或寄情風  
雅吏事不無廢閣而者

恒不能相兼先生於簿  
書鞅掌中獨能紉橫百  
家舍英咀華無吏事之  
勞而偏得文事之樂其  
才不有大過人者乎先

生所著書甚富半已縣  
諸國明茲復有書影之  
刻書影者先生請室中  
所爲作也先生樂天和  
命不以得喪嬰其心身



汲汲乎名山是問與王  
明之演易潁川之受尚  
書何以異顧予竊有感  
焉太史公作史記中多  
憤懣一篇之中時時見

竟論者謂其學道未深  
先生當是時較之太史  
公其安危相去幾庭使  
他人當此必盡囑其牢  
騷不平之感先生澹然

鹽釋雙激之形于筆墨

其勝古人遠矣今試取

其書讀之凡古今來未

聞未見可法可傳者靡

不博稽而幽討陸離光

怪莫可端倪然其大指  
在乎正人心維名教感  
人之性情益人之神智  
長人之學問非徒張華  
博物千寶按神但矜詭

異爲也顧先生復狀不  
敢自居取昔人所云老  
年人讀書僅存書影子  
于身之義故名曰影不  
知冥人其阻固已取書

之神與髓昭昭乎若揭  
日月而行余集成先生  
語予曰子曷爲我序之  
予烏足以序先生姑識  
其景服乎先生者如此

康熙六十年歲次丁未季  
夏山陰後學姜承烈頓

首撰

序

阜嘗上下千百年間見古  
人卷帙繁浩頗不可以此自  
困詎每謂雄奇奧祕可以  
抒理解而安性情者古文



中不過數十家其餘佐人  
間見得泯泯覽流觀盡其  
勝者多不過百數十家廣  
及數百家而止而至于襍  
家瑣碎往來而耐蒐討雖

強為涉目亦終不及領其  
旨處繙末數葉輒厭置之  
不少惜至誌林說部之篇  
見有雷同傳會牽拘文義  
相為聚訟不止者則為頭

岑、痛領古人請用洗火  
之言為極悽而于櫟園周  
先生書影一集則不能不  
撫几歎絕也櫟園先生目  
空千古持論之嚴于昔人

著述不輕許不翅与予同  
而兼採博涉雖繁蕪之言  
不憚從千百中茹其一二  
如揚糝糠而得嘉粟披砂  
礫而獲良金間有紕繆經

其披摘則亦莫不有精旨  
可思適于道妙歲在庚子  
從請室中歷溯生平聞見  
加以析衷詮次成編一時  
見者以為可資談助廣異

苑而卓獨以此非博物之  
紀而明道之書也夫至理  
之在天地不名一類而未  
始遺一跡故經雅宏訓恆  
昭、婦姑箕帚間而桐華

虹見之微即淡明化事之  
終始誠于是書而求之可  
以啓人疑情可以資人冥  
悟直使作者當日字、端  
于無有而一以縣解為大

通使古人之著述盡若斯  
也予將窮年盡氣以恣揆  
之不暇又何至有廢卷之  
歎乎歷稽古之以述作名  
家者王充論衡之編蔡邕



獨斷之著皆輯自燕閒從  
容鉛輒而下蠶室而成書  
如漢代子長率多寫其憤  
激不平之際惟櫟園先生  
以安閒出之雜以談諧半

皆風趣若不知身在銀鐺  
響答間者其神全者其天  
定鬼神可得而禍之也又  
先生所著賴古堂詩其成  
自請室者皆感動人天一

時驚歎未有跡先生、平  
功名多顯于戎馬倥傯時  
而文章則盛之乎析楊禍  
變之際蓋其人之自負磊  
落者天恆不欲以逸豫稱

其材而磨厲于艱難百折  
中者必有非常之觀以卓  
燦古今而一敞也卓觀先  
生居官勤敏綜束吏民無  
遺慮簿書之餘偶有暇刻

即手一編不輟甚至參拜  
大僚酬訪賓客坐輿幙中  
往來市肆雜沓猶以衰狀  
十數卷自隨歸語同人輒  
能舉其詳曲雖甚久遠偶

晰一字之疑引據証明必  
指其出何書載何卷以及  
行墨之次第簡牘當命掌  
記依檢應手而出不差累  
黍而卓讀書疎畧隨即健

忘偶有所得止能麤識大意至有詢其姓名而茫然不復記憶者人之度量相越千百倍從而無算固有如是之不爽也其獲成是

書為一代奇觀豈偶然也  
哉而先生顧顏以書影雖  
先生自道之詞爾。乃其  
欲讀者因表測日緣鑑窺  
形是書之傳神固在阿堵



中也雖狀先生所著古文

詞起衰救敝尤為當今第

一以不肖輕出示世、尚

未得覩其全狀觀是書綱

羅之博採擇之精文筆之

高古亦可以想其槩矣于  
書影之告成事也因書之  
以為序

康熙丁未孟冬月治眷晚

弟高阜頓首題

# 序

古今四部載籍惟說  
家獨擅諸部之勝見  
於崇文諸目者歲半  
羣籍予束髮受書性

喜流覽先人遺書數萬  
卷為誤題者不棄其之  
一文酒之陳從硯北抽架  
上所藏如簪人宿退并  
園錄冬華塵錄錄亦未

始不彬然開卷無感  
輒思掩去是豈有故作  
者閔貝未廣則每以陳  
夙為新妍記述其章又  
嘗以紆紆而博洽下此而

齊諧志怪瑣語叢談上  
之無當於身心次亦何關  
於問學卽汗牛充棟亦  
書肆說鈴身于土室之  
義曾何此其中求其

能翼經詮史明道垂教  
檢束才心開發神智標  
新領采引人入勝者蓋  
未之有也惟宋王伯厚  
困學紀聞一以擗擷前

記發抒心得頗有可觀

往猶憾其盱衡往籍而

缺畧新闕留亦多標舉

之誤者千慮一失賢者不

免則信矣著書之難也



標翁先生天挺異質  
人所謂十行俱下過目  
不忘者庶幾近之故於  
載籍無所不窺且文心  
靈異筆能鏤空點識

通求精能扶髓目之所  
過手之所及方圭員璧隨  
遇而成其所著書影一  
編予嘗得而讀之如入  
武庫之中五兵縱橫無

所不有廣而扶興所不  
循近而日用所服習遠  
而千載之寥渺通而同  
見之親切大而經緯世  
業之理求而飛潛動植

之情多不就取相取記草  
而著之於事之承訖龍衣  
舛者則正其繆戾於人  
之闇汶者章者則發  
其幽光以爲夫古人深衷

苦志或未白於當時及  
不諒於身後者無所爲  
之扶摘而表彰之闡揚  
之位乎所以聖賢經可以  
證史可以明道而垂教使

讀之者有置身名檢之  
思有恢弘知壽之益乎  
之而惟恐其易與之而  
但貪其可鬼誠譚苑之  
醍醐而悅林之環寶也

又豈困學讀書所可困  
日而諄哉先生是書之  
成方在困樹屋中已先  
生貞固蒙難之日而從  
臣丹鉛不輟抽腹笥而成

此編易曰樂天知命故  
不憂先生惟樂天知能  
著少亦惟著書無不見其  
知命者吾家次公除冬  
從夏侯博士受尚書楊



文定溥心於昨兩日誦五經  
其後登朝執政功業赫  
赫皆彼牛所讀書也先  
生當雨雪濺之時而

天  
慈見眼淚念舊德而極

用之以登庸作輔如次  
公文定當年吾知必於  
後抒其生平所學見之  
於天下其所謂明道立  
教者將堯舜君民而以

知覺并其先可垂之爲  
經載之於史又不特聖  
之論之而已也管子言三  
不朽曰立德立功立名先  
生之不朽備矣又豈僅

一著書立言已卦

康熙丁未冬望日門

人黃虞稷謹撰

因樹屋書影 第一卷

櫟下老人筆記

屯溪螺隱校訂

先大人著述甚富，常作觀宅四十吉祥相，有益於世道人心，備錄於此。案頭無淫書，昔人謂

作豔詞，以邪言蕩人心，其罪非止墮惡道，近日

作小說人，豈止豔詞，非常報應，人人親見之，案

頭如有片紙隻字，當盡數焚却，壞心術，喪行止，

皆此等書引誘人家兒女，豈無識字者，略一回

想，豈不

可懼，架上無齊整書，本本精良，一一完善，手

架上便座上有二三十年前老友堂中有七八

印腹中

十年前古桌椅、門下有祖父遺畱麗眉皓首老

僕、如此方稱得世家、婦女不垂簾觀劇、粉氣髮

簾中羅襪弓鞋、隱隱屏下、甚至品評坐客、擊節

歌聲、無所不至、優人之目、直透其中、坐客之心、

迴光其後、婦女不識字、列女閨範諸書近日罕

可恥孰甚、見淫詞艷語觸目而是

故寧可使人稱其無才、不可使八稱其無德、至

世家大族、一二詩章、不幸流傳、必列於釋子之

後、娼妓之前、老妾孀婦、不變作尼姑、其醜倍不

豈不可恥、於改適不

呼優人同坐、宴客用優人但當呼之別院登場

則褻甚矣、今人敬優兒如師友、殊令人訝、即不

與之坐、不過曰不在行而已、天下事被在行、二

字誤却、

多、少、不在席上接優人曲、不以筋并足代爲

擊板、擊板接曲、去外無狡童、內無老婢、無狡童、

優人幾希、

不惟省

已防閑、抑且免人疑議、至禁錮老婢、不教婢子

二十以外、尚不爲之擇配、尤傷陰陽、

此亦好人家兒女也、安忍其出醜、裝牌榜、防閑尤難、作奸殊易、

紙牌不入

手中、

近日馬弔盛行、士大夫儼然爲之不恥、予曰、宜與儻、宜革匠、宜不識字人、宜四達衢

中、九桌上、卽令此中有千變萬化、神妙不測、朕

一思手持者何物、豈不愧殺、絛之人不耐獨坐、

不肯習靜、奕其變爲馬弔、不解新令、不爲酒糾、

風日下矣、與其馬弔寧奕、

士人相聚、頗有可談、何至效青布商傭、吟嗽盈

坐、寧受百罰、毋淪惡趣、子眼見以此生嫌疑者

不肯習醫卜、但能究心、心自入細、其子弟能雷

少、

寒、席上不勸人第二日補齋、卽此一事、便是與

人爲善、持齋總是

戒殺我不持齋彼能信心何苦必破其戒然專靠持齋免禍祈福亦謬僕從不與主人同坐者并坐即貧友疎親亦與主人同列篋片主人得意時承奉奴僕惟恐少失其意殆失勢之後飲恨報復無所不至敗家受禍往往由此凌晨客至僕從已拱立候命主人已盥沐相迎乘朝氣則不夜飲可知不夜飲則奴僕無姦盜詐僞可知甚矣夜飲之害事也僕從各隨其姓即自幼僕子亦當令各姓其姓使人防微杜漸古人門前僕從見士人過毋論識與有深意存其間不識皆起身直立遇諸塗皆側立讓行此雖細事然主人忠厚不忠厚奴僕生事不奴隸疎族窮親窮親事不生事皆由此而定不奴隸疎族窮親



無所歸、代爲瞻養、亦盛德事、視不學蘇意、輕嘴  
同奴隸、令供奔走、大傷元氣、  
不離幫閒、吃茶燒香、總屬狡獪、  
在旁、何不說得略活動些子、  
傷天地之和、一言而折、  
終身之福、切須念之、  
頭、存之於心、則能體而行之矣、目  
中口頭、已有二三分受用處、  
人、夢中所做所爲、常有不能告人者、充至於夢  
又云、晝觀之、妻子夜十二歲以上小童、不入內  
驗諸夢寐、有以哉、  
戶、女童不出內戶、  
信、不浮沉、已屬盛德、更能宛轉、以期必達、尤陰  
隲事、以此類推、凡事肯爲人方便、可知矣、

能明佛理、却不爲邪說所誘、

白蓮無爲等教、其初皆信心從佛者、

先儒云、精者不越吾儒、此語尚可議、若誕者、吾不信、則確不可易矣、不明佛理、與老嫗瞎磕頭、

盲燒香、

肯周濟貧親戚、或助人婚嫁、或代完官

贖、却不作佛事、不修建菴觀、

總此一佛、寺宇已多、何必更建、近日

私建私度甚多、將來必有一傳難存、是菴皆毀之慮、畱心佛法者、不可不知、

肯爲人

說眼前報應、肯聽人說報應諸事、

眼前事報應、顯明易見、不

必說活閻王、過陰人、諸事、反增人不信心、

卽不能奉行感應篇功過

格、每日能體認所行善惡、

肯看感應篇、肯略略體認功過格、不必數

黃豆黑豆、其人已有幾分好處、

書館中小學生、有讀四書小註

聲

前輩無不讀小註者。近日反目讀者爲迂矣。

註子弟到後。來上者無離經叛道之慮。次亦免場中出醜。東問西問。不以病試醫。

肯將已驗醫方。或鈔或刻。施人病之由。令其暗

中摸索。取死之道也。施方固勝。施藥然能製數種藥。常常施人尤善。躬送破衣親

友出門外。在坐者問有躬送門外。則以爲恥矣。

須體驗此等事。最傷人。心亦受人賀分。卽一筵

一絲。無微不畜。富貴受貧賤人禮。以爲當然。此

從當賣。不磨祖父圖章。刻作己名。以此類推。凡

有贈祖父詩文者。能舉其姓字。習其篇章。亦孝

子亦孝

韻人如此則能為

不戲謔父執貧友

既知其為父執又輕

祖父報德可知

之為貧人且有戲謔之不如

內聲不聞於外言

已友者孝子慈孫必不如是

勿

論

矣坐定不問新聞

省却無限葛藤

司閭人回卑幼貧賤

親串惟恐傷其意

司閭人能如此不知費主人如許苦心矣

白鍾程

幼洪

邑

曰讀坦然周先生吉祥四十則防嫌於

微杜禍於漸外施家政內端女範長幼式訓上

下咸宜言擇行修立功寡過盪滌爬梳瑕疵淨

盡誠教家之良規檢身之寶鑑也易閑有家禮

嚴內則皆以齊家為端本澄源之要先生窺其

深矣。惠廸吉。惟順則吉。視履考祥。其旋元吉。所  
視必祥。斯爲吉徵。吉。止。止。則又止而不遷之  
義也。余願凡有家者。各書一通於座右。

新建徐世溥曰。癸酉以後。天下文治嚮盛。若趙  
高邑。顧無錫。鄒吉水。海瓊州。之道德。丰節。袁嘉  
興之窮理。焦秣陵之博物。董華亭之書画。徐上  
海利西士之曆法。湯臨川之詞曲。李奉祀之本  
草。趙隱君之字學。下而時氏之陶。顧氏之冶。方  
氏。程氏之墨。陸氏攻玉。何氏刻印。皆可與古作。

書影  
者。同。敝。天。壤。而。萬。曆。五。十。年。無。詩。濫。於。王。李。佻。  
於。袁。徐。纖。於。鍾。譚。

南昌陳弘緒曰。嘉隆以來。帖括剽竊之陋。流入  
古文。一。二。負。名。之。士。好。以。秦。漢。相。欺。字。裁。句。掇。  
蕩。然。不。復。知。所。謂。真。古。文。吾。黨。憂。之。乃。以。唐。宋。  
諸。大。家。力。挽。頽。瀾。毋。亦。謂。摹。秦。漢。之。失。或。至。舍。  
體。氣。而。專。字。句。而。唐。宋。諸。大。家。無。從。置。力。於。字。  
句。之。間。也。齊。人。先。配。林。而。後。秦。山。晉。人。先。庠。池。  
而。後。河。若。韓。歐。者。固。所。由。以。適。秦。漢。之。路。矣。

徐巨源常言。今天下文章聲氣。可謂盛矣。雖然。日。午。月。望。有。道。者。所。不。居。異。日。必。有。以。刻。文。得。罪。功。令。數。十。里。不。敢。通。尺。書。者。已。而。婁。東。復。社。果。有。違。言。識。者。謂。巨。源。卓。識。

象山王子長

挺

曰。按逆濠之變。當時請密旨。捐

赤心。奮然不顧者。孫許二公而已。事既已底定。朝廷據在廷公論。廟祀之。厥後紛紛訾議。乃躋許於左。孫次之。夫人臣事君。不幸當變。力盡則死。心安則死。死卽分矣。復何言。復於旣死而議。

之曰。某賢於某。豈不大謬哉。或曰。許欲先發。而孫暗焉。應之曰。逆濠之蓄遠矣。一旦稱兵。固其倉卒未定之謀。而安在其可先發哉。國家所以優禮宗藩。重典具在。萬一輕動。而彼或中輟。未舉。豈惟不熄。將沃之膏矣。當時孫公。惟務戢羣盜。以剪其羽翼。築城池。治甲兵。以堅吾之保障。如斯而已。或曰。許立而罵不絕口。以死於孫烈乎。應之曰。人臣之義。力盡則死。心安則死。死即分矣。烏在罵不罵哉。睢陽之慷慨。於分奚加。文



山之從容。於分奚損。其趨一也。且聞孫公年餘  
六旬。方被縛時。羣盜吳十三等。素憾公。多甘心  
焉。蓋未至死所。已拉折其脇。雖極楚毒。而公猶  
仰臥不爲屈。非志定而氣完者能之乎。二公者。  
生則相臨。死則相許。乃無故易位而處之。誠慮  
孫之未服。而許之未安也。聚食一堂之上。而使  
之一不服。一不安。豈所以通晝夜之故哉。此  
論甚正。究竟位置不知若何。張許之死。其時亦  
有異議。今雙忠亘古如生。而搖唇鼓舌者。竟何

往哉昌黎書張中丞傳後云小人好議論不樂成人之美。今古一律。

艾千子曰弘治之世邪說興。勸天下士無讀唐以後書。驕心盛氣。不復考韓歐大家立言之旨。又以所持既狹。中無實學。相率取司馬遷班固之言。摘其字句。分門纂類。因仍附和。太倉歷下兩生持北地之說。而又過之。持之愈堅。流弊愈廣。後生相習爲腐勦。至今未已。南城圭峰羅文肅公當邪說始興之日。矯俗自正。力追古大家。

體裁當時以爲直逼柳州。天下後進讀公之集。始知刻厲爲文。不襲陳言。不厭博韓柳以爲可師者。皆公之力也。文肅公集初刻於盱郡。再刻南國子監。武進淇孫公亦有選本。近其元孫栗士復刻於家。較諸刻稍備。

艾千子曰。麻城周伯譽。名世遴。生於時。文軟靡。勦襲之時。學者莫不記誦帖括。苟趨一世。伯譽獨按古經術之旨。而佐以歐曾以下。百家傳記之長。楚中開風氣之先者。自伯譽始。死時年二十七。梅惠連旣爲梓其詩文。及制藝。王屺生常

攜其詩文流通江淮吳越間。然當伯譽稿未行時。談節父刻之吳門。爲兩進士稿。行於世。兩進士之名。隨而噪甚。原節父之意。以伯譽未知名。欲以進士重伯譽耳。旣而皆知爲伯譽也。

蘭陽王王屋。初名澤久。字春脚。後更名斥。母李氏。孕公。公鳴於腹。生而敏給。善諧謔。里中人率以爲狂士也。舉於鄉。戊辰計偕。度已文必入彀。某公方分較春秋。某方與璫涉。公不欲出其門。論中故爲談語。首云。儂竊觀天下之事云云。中

間論鬼神處。突曰：如以爲無，則慧娘之敲裴生之門也；麗娘之入柳生之室也；撤棘後，則某果已魁公，及閱所爲論，始有病狂喪心之評。後某終以璫累，里人始知公非狂者。辛未，公仍以春秋魁多士，除滋陽令。公銳自見，又姪急剛鯁，會王孫市礫人，公執笞，獄行立忤諸王孫，黨構之，直指弗察，暴劾公，檻車徵繫。公雖廿日，令然頗有惠聲，其逮也，士民數千人，攀轅痛哭。白日慘黯，遮愬緹騎。自卯至申，不得前，甚有朦朧孤貧。

鳩杖鵠衣。亦視力投金錢。轡車驢之。且環而稽  
首。緹騎曰。無苦令。令清苦。官幾日耳。且泣且拜。  
緹騎咸爲揮涕。下刑部獄。瀕死。賴惜公者力爭  
僅免。謫睢陽衛。年三十四。憤恚矢志死。自預爲  
誌銘。以退之銘人者如銘已。卽取以自銘。世共  
達之。公著詩一卷。文二卷。詩清婉有致。文則力  
追昌黎柳州。使假之年。進未可量也。予憐其志。  
爲敘而梓於秣陵。

倪文正題元祐黨碑云。此碑自崇寧五年毀碎。

遂稀傳本今獲見之猶欽寶籙矣當毀碑時蔡  
京厲聲曰碑可毀名不可藏也嗟乎烏知後人  
之欲不毀之更甚於京乎諸賢自涑水眉山數  
十公外凡二百餘人史無傳者不賴此碑何由  
知其姓名哉故知擇福之道莫大乎與君子同  
禍小人之謀無往不福君子也余凡兩見此碑  
各不同碎碑之後宜無可搨必當時令郡邑各  
建之或尚有存者故其式弗一耳

在金陵時見馮錦衣所藏沈石田畫忠孝卷蔡

數百本、萱亦數百本、皆縱橫淋漓、曲盡寫生之致、馮故黨馬阮、亂時都人惡之、盡罄其藏、卷不知竟歸何所矣、然亦不識此僉、藏此何爲、

汴省迎春、歲內迎入周邸、歲外止及府門、謂關一歲豐凶也、蕭伯玉有詩紀之曰、豐凶原不在春邊、劣得周王省一錢、令旨傳呼是歲外、今年只許到門前、

袁石公典試秦中後、頗自悔其少作、詩文皆粹然一出於正、死時年僅四十有四、防風茅止生



爲刻其遺稿於秣陵、此稿實勝於公舊刻、止生一序、亦極確當、略無諱於石公、予舊藏一冊、沒于大梁、今再覓之、旣不可得、而止生原序、石民集中又不載、不知何故、近見石公全集、間有收入者、然終不能備、亦不如單行之爲愈、

葉文通名實無錫人、多讀書、有才情、畱心二氏學、故爲詭異之行、迹其生平、多似何心隱、或自稱錦翁、或自稱葉五葉、或稱葉不夜、最後名梁無知、謂梁谿無人知之也、當溫陵焚藏書盛行

時坊間種種、借溫陵之名以行者、如四書第一  
評、第二評、水滸傳、琵琶拜月諸評、皆出文通手、  
文通自有中庸頌、法海雪、悅容編諸集、今所傳  
者、獨悅容編耳、文通甲子乙丑間、游吾梁、與雍  
丘侯五汝戡、倡爲海金社、合八郡知名之士、人  
鑄一集以行、中州文社之盛、自海金社始、後誤  
納一麗質、爲其夫毆死、文通氣息僅屬、猶鳴冤  
邑令前、惜乎無有白其事者、侯汝戡言其遺骸、  
至今旅泊雍丘郭外、

故老傳聞、羅氏爲水滸傳一百回、各以妖異語引其首、嘉靖時、郭武定重刻其書、削其致語、獨存本傳、金壇王氏小品中、亦云此書每回前、各有楔子、今俱不傳、予見建陽書坊中所刻諸書、節縮紙板、求其易售、諸書多被刊落、此書亦建陽書坊、翻刻時刪落者、六十年前、白下吳門虎林、三地書未盛行、世所傳者、獨建陽本耳、卽今童子所習經書、亦尚是彼地本子、其中錯訛頗多、近已亥闡中麟經題詁、歪形之白簡、宋時場

屋中亦因題目字訛致士子喧爭皆爲建陽書  
本所誤古今事相同如此故予謂建陽諸書盡  
可焚也建陽本明初時紙版尚精潔字細而行  
密類宋板式近人所藏宋板書多是建陽明初  
本不可不辨

顧春吳庠生娶俞氏嘗涉獵書史有婦道春患  
療不起呼婦囑以好事舅姑養子女言旣切又  
至再三婦曰一言當終身服行何俟再三乃潛  
握剪以利鋒剗於左目流血滿地絕而復甦夫

責曰、何乃如此、曰示君信也、夫乃絕、沈石田有詩紀之、

佛經有眼以睡爲食語、何元朗見蘇端明手書赤壁賦、而吾與子之所共適、適作食、後人以爲出此、不知然否、

吳梅村曰、大司馬白谷孫公、代州人、長身伉爽、材武絕人、其用秦兵也、將憑巖關爲持久、檄趣之戰、不得已始出、天淫雨、糧糗不繼、師大潰、潼關陷、獨身橫刀、衝賊陣以歿、從騎俱散、不能得

其屍公之出也、自念必死、顧語張夫人、夫人曰、  
丈夫報國耳、母憂我、西安破、率二女六妾、沉於  
井、揮其八歲兒以去、兒踰垣避賊、墜民舍中、有  
老翁者、善衣食之、二年、公長子世瑞、重趸入秦、  
得夫人尸、貌如生、老翁歸以弟、相扶還、見者泣  
下、蓋公素有德秦人云、公死而天下事遂去、然  
其敗由趨戰、且大雨糧絕、此固天意、未可專責  
公也、公之叅佐、惟監軍道喬公、以明經奏用、能  
不負公、潼關之破、同日死、名元柱、定襄人、

張棊居曰。明詩四變。爲海內口實者七人。秦齊吳豫各一。楚獨居三。然初變而李何。再變而王李。不失爲盛也。變而公安竟陵。晚矣。吾豫當初變時。一人起而左右北地。鏗金戛玉。至今踔厲詞壇。王李樹幟。公安矯枉。豫獨不與。不欲與也。竟陵時。新野馬仲良。同伯敬起家庚戌進士。自造新聲。偕吳門亦房唱和。其詩扶鏤性靈。鮮警秀異。足以移易一世。王馬之名。宜與鍾譚並。乃世唯口鍾譚。不及二氏。則爲仲良者。不幸而詩。

言  
不播於天下。爲風氣所歸。抑幸而不列。變中反得免世詆訶耶。

去汀州八十里。名藍田。石城邑所屬。地有山。號蠟燭峯。圓秀異常。山腰環轉。一路如帶。路產糯米。雜砂礫中。色若火微煨。而文理劃然。鄉人病心者。拾噉之。卽愈。余曾遊此。命小奚數人。拾各盈掬。幾殆盡矣。旋踵視之。又累累如貫珠。真異事也。

蘇桓曰。顧東橋先生。初守開封。抗中常侍。遂遭



讒誣逮至京師、以公在官清惠、獄久不成、世宗  
皇帝密遣使就開封覈實、止得多裝詩卷一事、  
公對簿、謂時平流寇、實與巡撫都御史澤等賦  
凱歌有所裝潢、如不法、則都御史亦不法也、中  
常侍讒遂不行、止鐫二秩、出知全州、時橫涇先  
生初成進士、公自全州貽書述祖宗之德、著謙  
慎之訓、凡千餘言、復寫在全所著定志篇、又詩  
十餘章、行楷莊健、頗得二王之法、桓今年自新  
建來、從橫涇先生曾孫夢游許、得見此書、慨然

見先朝之法中常侍欲誣一郡太守而不可得  
又見世宗皇帝能爲一太守受誣遣使覈實且  
嘉其時爲方伯廉憲御史都御史無一人欺心  
媚內以傳會其事卒陷公者又見公爲太守時  
得與都御史賦詩爲樂不似今日上下懸絕分  
若君臣而公知弟之明教家之道俱可無愧於  
古人焉公仕至大司寇橫涇先生官僅憲副  
聞故老言南京舊院有色藝俱優者或二十三  
十姓結爲手帕姊妹每上元節以春擎具殺核

相賽名盒子會。凡得奇品爲勝，輸者罰酒酌勝者。中有所私，亦來挾金助會。厭厭夜飲，彌月而止。沈石田有盒子會詞，予二十年前常見金陵爲勝會者，略有此風。今舊院鞠爲茂草，風流雲散，菁華歇絕，稍負色藝者，皆爲武人挾之去。此會不可復觀矣。

虎林昭慶寺僧舍中，有高則誠爲中郎傳奇時几案，當按拍處，痕深寸許，則誠名明。永嘉平陽人，旅寓虎林之崇儒里，博學洽聞，仕元終福建

行省都事弟誠字則明亦有文名相傳高皇帝  
召明明以疾辭使者以明所爲中郎傳奇進上  
覽之曰五經四書譬諸五穀不可無此記乃珍  
羞之屬俎豆之間亦不可少余謂此亦後人傳  
會之語則誠之詞誠工使者恐終未敢以此等  
書上進也予又見續文獻通考以琵琶記水滸  
傳列之經籍誌中雖裨官小說古人不廢然羅  
列不倫何以垂遠

倪文正言梁鳴泉公五歲在父抱中輒請得卽

日就師學、父詒之云、今破日不佳耳、公曰、以破  
吾愚、豈不佳、父大驚異、每語人、吾斯知項橐黃  
童、非俊物也、

吾邑王公半菴、名惟儉、字損仲、官至工部侍郎、  
性敏慧、嗜學、好收藏、三代銅玉器、常得漢玉觥、  
爲世所未有、因以寶觥名齋、日嘯咏其中、公每  
謂諸史中、無如宋史煩猥、欲刪潤之、以成一代  
之書、書成將半、而公謝世、汴水奔騰、竝其未成  
之本、胥失之矣、予生也晚、未及見公、僅得交令

嗣雁澤。後在吳門市上得公詩文各一卷。予爲序而鐫之。以歸雁澤。公詩文皆不苟作。矜慎自娛。故所存不多。然亦無不足傳者。公起家山左。濰邑令。予初謁選之前一日。夢公揭簾顧我。自言我同邑王半菴也。次日余適得濰令。公治濰多威惠。其去也。濰人德之。立祠祀公。予至邑之明日。卽往祀公。蓋公蒞濰時。甫廿餘。邑中至今呼爲小王公云。雁澤名溫叟。邑庠生。有品行。商丘陳叟。名百萬。生長嘉隆間。一百九齡。曾登

賔筵無子。有二女子。友雲間周宿來。茂源過商丘。作一百九齡陳叟歌贈之。

楚有張君燧。爲陳士業言。廣南有韋土官。自言淮陰後。當鐘室難作。淮陰客某。匿其三歲兒。知蕭相國素與侯厚善。客往見之。微示侯無後意。相國仰天嘆曰。嗟乎。冤哉。淚淫淫下。客見其誠。以情告。相國驚曰。若能匿淮陰兒乎。中國不可居矣。急跳南粵。趙陀遂作書遣客。匿兒於陀。曰。此淮陰兒。公善視之。陀養以爲己子。而封之海。

濱賜姓韋用韓之半也。今其族世蒙於海隅間。有鄼侯所遺之書尉陀所賜之詔勒之鼎器。士業曰予常怪趙陀以雕結箕踞之君長而薄粵中無足與語。遇陸生廼蹶然而起。今以韋君之事觀之。陀固人傑也哉。獨惜淮陰之客存藐孤而卒不顯其姓名於天壤也。悲夫。

或有難士業者曰。子記韋土官事奇矣。奈與史抵牾何。長樂鐘室之禍。蕭相國實紿之。司馬遷云。呂后用蕭何計誅淮陰。蓋實錄也。何忍於其



身而廼稱寬於其客。不亦謬乎。曰。唯唯。否。否。何之。給淮陰也。悉出呂后之謀。何亦懼禍而迫于不得已耳。呂后謀之。而何不從高帝之疑。當不在於請苑益田之日矣。且召平不云乎。上暴露於外。而君居守於中。非被矢石之事。而益封置衛。徒以淮陰新反。疑君心也。夫益封置衛。不以爲報功。而以爲見疑。平亦知誅淮陰之事。於相國無與矣。自古功臣寬歿者衆。而淮陰爲最。悔不用蒯通之計之一言。淮陰心事昭然。司馬遷

以反之。一字加之。非爲呂后諱。爲高帝諱也。

德州程正夫言。順治癸巳正月十八日夜。風厲甚。恩縣祁村陂中。冰卓立成山。廣四丈。高二丈。許峯巒秀拔。谿壑廻環。一磴委蛇相通。觀者遠近。暴糧至日千餘人。禱祠焉。遍考諸書。古無此異。不知何祥也。余按正德中。文安縣水忽僵立。是日天大寒。忽凍爲冰柱。高五丈。圍亦如之。中空而旁有穴。數日後。流賊過文安。民避入冰穴。賴以全活者甚衆。正如此類。

胡菊潭先生曰。蜀中新灘。巨石亘流。空舫越渡。昔有行僧。發弘願。欲槽石梁。以通利涉。江神夜告之曰。此天所以養斯地。窮黎也。如公約。民不聊生矣。遂已之。蓋放舟剝運。皆貸力於土人。朱竹墨菊。余初亦但求之楮穎間。後親見朱竹於延平山中。數頃琅玕。丹如火齊。又類典中載。漢時永壽里出墨菊。其色如墨。古用其汁爲書。乃知世原有此。特未之見耳。各賦二詩紀之。高情直與晚楓隣。佳舞安知醉有辰。舊族傳爲絳

縣老孫枝近作赤城人，瀟湘淚盡終餘血。淇澳  
花繁不是春，曾在龍門柯畔立。支離更見爨中  
身，一亂擗桃花映客醺。斜批鶴頂間青蘿，翻新  
競比紅兒曲。截笛畱吹赤帝歌，酒醞宜城光未  
定。冠裁薛縣色全訛，遙看岩下爛熳處。或是秋  
深柏葉多，右朱竹寂影模糊陶令門。元霜冉冉借  
秋痕，雨中送酒衣偏白。霧裏看花眼倍昏，永壽  
寒尋蒼玉亂。南陽晚映碧潭渾，就荒三徑歸來  
後。只覺長松獨自存，一把得寒英色未倫。夕餐

只認鞠通身、籬邊月落情無奈、霜裏燈搖影倍  
新、不識黃金真燦艷、獨憐青女自橫陳、瀟瀟一  
夜重陽雨、元對羲皇以上人、右墨菊

某吏部一夕爲小偷入宅、宅內戶扃嚴甚、無所  
得、獨盜鷄雙翼以去、吏部故居城郭、次早則縣  
典史至、次知縣至、次知府至、問所失幾何、願授  
簿追之、吏部僞以金銀錦幣諸重器爲籍、使追  
捕如法、數月後、獲他盜於境、盜多重寶、郡縣皆  
知其非吏部物也、然陰迎合之、召其家使識、具

識爲已物，沒入之。又有吏部某，忘其名。吏部始居城郭，以擇形勝山居。所居曠漠，一日午坐，盜僞爲某官來謁。吏部方出肅客，盜卽持其手，紅巾露刃，左右班聲如雷，盡空其所積以去。次日郡縣守廵各至，問所失。吏部曰：「吾家無一物，獨去破氊具一床耳。」然郡縣守廵畏其威，不敢不捕緝如法，旬月獲之。諸重器具在，盜亦自伏爲吏部物，召使識之。吏部竟以前辭拒不受。艾千子曰：「夫識其所有，與識非其所有，人性之常也。」

兩吏部一以名一以利至於冒其所非有而不敢居其所有哀哉

續文獻通考載羅貫中爲水滸傳三世子弟皆啞此書未大傷元氣尚受報如此今之爲種種宣淫導慾之書者更當何如可畏哉

水滸傳相傳爲洪武初越人羅貫中作又傳爲元人施耐庵作田叔禾西湖遊覽誌又云此書出宋人筆近金聖歎自七十回之後斷爲羅所續因極口詆羅復僞爲施序於前此書遂爲施

有矣。予謂世安有爲此等書人。當時敢露其姓名者。闕疑可也。定爲耐菴作。不知何據。

古文人初持其一偏之說。與人鑿鑿不相下。殆識益高。心益下。未有不翻然自悔者。王司寇元美其始與歸震川太僕論文頗有異同。及歸自留都。從其家求圖像。屬婁子柔書之。曰。千載惟公繼韓歐陽。余豈異趣。久而始傷。又公素不喜蘇氏文。而公之季子時向子柔言。公之歸也。嘗讀蘇應詔諸篇。顧語之曰。此乃可爲策耳。吾晉



楚錄文豈能及之哉。又傳公易簀時。床頭尚有文忠集一帙。又公常書陳白沙集後云。公甫詩不入法。文不入體。又皆不入題。而其妙處有超於法與體題之外者。余少學古。殊不相契。晚節始自悔心。偶然讀之。或倦而躍然以醒。不飲而陶然以醉。不自知其所以也。公又常題西涯樂府後云。余向者於李賓之先生擬古樂府。病其太涉議論。過爾剪抑。以爲十不得一。自今觀之。奇旨創造。名語疊出。縱未可被之管絃。自是天

地間一種文字。若使但求諧於房中。饒吹之調。取其字句。斷爛者而模範之。以爲樂府如是。豈非西子之顰。邯鄲之步哉。余作藝苑卮言時。年未四十。方與于麟輩。是古非今。此長彼短。未爲定論。至於戲學世說。比擬形似。旣不切當。又傷猥薄。行世已久。不能復祕。姑隨事改正。勿令多誤。後人而已。錢牧齋宗伯曰。嘉隆之際。躋北地而擠長沙者。元美爲之。職志至謂長沙之啓何李。猶陳涉之啓漢高。及其晚年。氣漸平。志漸實。

舊學銷亡。霜降水落。自悔其少壯之誤。而悔其不能改作也。於論西涯樂府三致意焉。今之談藝者。尊奉弇州卮言。以爲金科玉條。引繩批格。恐失尺寸。豈知元美固晚而自悔。以其言爲土苴唾餘。平津刻舟之人。知劒去已久。未有不爽然自失者也。合觀元美先生所言。與牧齋先生所論。後之人見地未明。擇途未定者。其持議何可不慎哉。

空峒黃河水。遶漢宮牆之什。集中不載。或以爲

結有只今誰是郭汾陽句。唐人事空同。自以爲不讀唐以後書。恐開後人口實。故自逸之耳。先輩矜名太過。論多拘泥如此。然今日隨手掇拾。無事不可入詩者。覩此亦當少知所戒矣。

李子田曰。金山志。唐孫魴詩。萬古波心寺。金山名日新。天多剩得月。地少不生塵。櫓過坊僧定。濤驚濺佛身。誰言張處士。題後更無人。而李翱詩云。山載江心寺。魚龍是四隣。樓臺懸倒影。鐘磬隔羣塵。過櫓妨僧夢。驚湍濺佛身。誰言題詠。

處流響更無人。夫翺唐之名士，不應登一名山，至蹈襲同時之人如此。或編書者誤耶？○李習之不能詩，集中僅二首，亦不佳，未嘗有此篇也。决係編書者誤收。

水土之氣，上升爲天，地有體而天無體，譬如火焉。烟在上，灰在下也。夫天元氣也，皓然而已，無他物焉。見楊泉物理論，此語最確。然水土之氣，上升爲天，尚覺有滯。滯在爲之一字。當云水土之氣，上升於天，方合皓然無體之理。

常山梁慎可維樞曰薛公家相以尚氣忤中貴殞其身公沒藉其家無數百金產天下莫不悲之公嘗言天下無事所重只一豕宰有事只一大司馬明朝兼長者前馬鈞陽後惟楊蒲州李國祥字休徵江西南昌人張林宗先生之師也幼而穎異博學能文由例監仕竟以詩罷官貧不能歸僑居夏鎮日不能給購其文者或予數金得卽散之所著有濡削選章河工諸議松門山房十部集行於世

一甲科問於蓮池曰、世間何等人最作孽、蓮池曰、公等甲科七篇頭、老先生爲最、其人愕然曰、自揣生平、未必至此、蓮池喝曰、誰說你自做來、諸凡倚勢作威者、上帝降鑒、悉坐、公等於是縉紳之徒、咨嗟太息、不得其方、明卿獨曰、方寸不惡、五官誰敢所患、已實惡、而藉口親戚、反開脫罪之門、上帝深怒耳、苟朝夕計過、孽孽積德、彼倚勢作威者、明神有赫、獨能逃乎、

張棻居曰、燕市有龍身、方鱗、鈎爪、長六尺許、頭

角悉具，係宮中貢物。按方鱗，古未經見，誌之備博物一班。

予幼從家大人手錄詩藁中，見牛左史周藩王宮辭五首，詩雖不多，然可代夢華錄數卷。因爲梓傳，當時但知左史爲武功人，而不識其名。後致牧齋先生，載入列朝詩選中。先生云：左史名恒，嘉靖乙未進士，有才名，常爲劉繪所推云。左史原詩錄後，春殿牙籤萬軸餘，香勻風細綠窗虛。侍兒臨罷誠齋帖，函出先呈女較書。一蕭蕭



修竹映池寒，分汲銀瓶灌牡丹。報道花朝開內宴，  
競持金剪遶朱欄。二夜來行樂鴈池頭，侍女分行秉燭遊。  
唱徹憲王新樂府，不知明月下樊樓。三叢生桂樹後山幽，  
花石猶傳後代留。宮媼引來巖際望，蔡河春浪拍天浮。四吹臺南下令  
婆墳，憶昔從王掌祕文。今日綺羅何處是，野花啼鳥自紛紛。五

寫小照者，推閩人曾波臣、鯨波臣，以秣陵爲家。然余未及見其人，近則推莆田郭無疆、鞏虎林。

謝文侯、彬兩生筆致秀婉，無作家氣，不獨曲肖神情已也。記金陵人言戴文進永樂間初至金陵，襆被爲負者挈去。文進借酒家筆圖其貌，示衆。役夫咸曰：「某也。」往迹之，得不失。吳小仙春日同人遊杏花村，酒渴，從老嫗索茗。明年復過之，老嫗已謝世。小仙援筆追寫其像，其子見之，大慟不已，乞而藏之家。又傳小仙幼時戲爲蒙師之婦寫照，師怒詈之。後婦亡，累摹弗肖，竟用小仙之筆以祀。近吾友陳章侯偶倣淵明圖，爲予

寫照見者以爲郭謝兩生不能及三公皆不以  
寫照名而落筆輒奇妙若此至人信不可測

永州知州某有母年八十餘度不得見其子而  
死剪髮一縷寄之而某居州如故唐公有懷時  
爲守聞而惡之力請黜免上官曰是素無大過  
公曰一縷髮足矣過有大於是者乎卒黜之有  
懷爲荆川公尊人

楊升菴常詆解春雨學士書爲鎮宅之符近日  
畫家競目吳小仙張平山爲外道蕭伯玉常言

其家正固先生傳是春雨楷書精妙。凡倫與其  
先長史公書雖復奇逸亦不失程度而余在南  
都從顧東橋先生從孫友生家見小仙爲東橋  
先生所作山水細潤絕倫。家大人所藏平山韓  
熙載夜燕圖通幅皆有夜氣細秀無點塵俗皆  
不類尋常所見乃知世人妄詆前人書畫皆未  
見真本耳。持論不可不慎。

小品中載有薦藝士於顯貴者其人固平易顯  
貴雖禮之然未嘗問其所長。瀕行其人曰辱公

愛有小技，願獻於公。乃索素紙爲圍碁盤，信手界畫，無毫髮謬，顯貴驚嘆。乃復尊禮之。又正統中，周伯器名鼎，爲沐陽尉，晚棄官，隱湖上。年九十，修杭州誌，燈下書蠅頭字，界畫烏闌，信手與目，不折紙爲範，毫髮不爽。乃知世間絕技，亦有相同者。

陳大樽曰：陳眉公徵君語予曰：少時見元美先生云：往者燕邸之會，于鱗詩必晚出，見他人有工者，卽廢已作，不復示人。前輩自矜其名，乃爾。

今人顏唐放筆，便布通都，何其不自好也。

水中苔可食者，一名魚承，茭白，一名菰臂，竹筍，第一名箭萌，俱見古今攷。芡實，一名卵菱，見管子書。物有異名，亦須小有韻致，乃可存。不然，卽十百名不如存原名之爲愈也。

有宦閩者，攜雙鸚鵡歸江右，兩禽晨夕相依，時絮絮若昆季。後宦者以一贈陳子右蘭，韓子人穀亦得其一，其將離也，低徊婉轉，若不能爲情者。陳韓固親串，過從無間，鸚鵡時互相問哥哥。

好。未幾陳子齋中有異物搏鸚鵡死。陳子痛之甚。既除地以瘞之。又語人穀賦詩吊之。詩成人穀持告其家羽。輒騰躑架上曰。哥哥。死。哥哥。死。傷惋不勝。遂不食。越日亦蛻去。二子廣乞名詞。爲之志述。江右三吳諸詞人。皆有作。因彙爲一集。顏曰羽聲合刻。鄧子左之爲之序。序亦悽惻。肆動物固多情如此。又吾梁山貨店市肆養鸚鵡甚慧。東關口市肆有料哥。亦能言。兩店攜二鳥相較。鸚鵡歌一詩。料哥隨和。音清越。不相下。

料哥再挑與言。不荅一字。人問其故。曰。彼音劣。我而黠勝。我開口。便爲所竊矣。臬司有愛子。病篤。購以娛之。賈人籠之以獻。鸚鵡悲愁。不食。自歌曰。我本山貨店中鳥。不識臺司衙內尊。最是傷心懷舊主。難將巧語博新恩。留之五日。苦口求歸。乃返之山貨店。垂頸氣盡。萬曆年間事也。余同書中記古鸚鵡夢二則。已爲奇絕。鸚鵡能詩。尤所未聞。詩選入列朝詩集中。尤奇。然每以語人。人多不信。後閱逸史。唐武后蓄一鸚鵡。名



雪衣能通心經。后貯以金絲籠。一日戲曰。能作偈求解脫。當放出籠。雪衣若喜躍狀。須臾朗吟曰。憔悴秋翎似禿衿。別來龍樹歲時深。開籠若放雪衣鳥。常念南無觀世音。后喜。卽爲啓籠。居數日。立化於玉毬紐上。后悲慟。以紫檀作棺。塋於後苑。鸚鵡作偈。頓證正果。尤異矣。

元人作劇。專尚規格。長短既有定數。牌名亦有次第。今人任意增加。前後互換。多則連篇。少惟數闕。古法蕩然矣。惟予門人邗江王漢恭名光

魯所作想當然。猶有元人體裁。其曲分視之。則小令。合視之。則大套。插入賓白。則成劇。離賓白。亦成雅曲。不似今人。全賴賓白。爲敷演也。又常見。樵李李君實。所爲禮白岳記。分視之。各爲一。則合視之。共爲一記。而詩卽連綴於中。分視之。則詩合視之。詩亦記也。詩文照映。使山水神情。無所遁避。其間真是合作。今人爲遊記者。意在謀篇終難逐境。章法固自貫串。境地終未分明。且記自記。詩自詩。使讀者因記以憶詩。持詩以

尋記筆墨間隔神情不屬不數行欠伸欲卧矣。故予以爲王生之劇。李公之記皆可爲今人法也。想當然托盧次梗之名以行。實出漢恭手。相傳黃山畢公服溫胸臍初頗有驗久之得沙淋疾沙皆作犬形頭尾略具。又傳潤州某公補劑中多用敗龜板垂十年頗健晚患蠱脹乃謁白飛霞飛霞眴視良久曰此瘕也公豈餌龜板藥耶。今滿腹皆龜。吾藥能逐之其骨節腠理者非吾藥所能也。乃與赤丸數粒服之下龜如菽。

大者升餘得稍寬、不數月歿、易簀時、驗小遺、悉有細蟲、髣髴龜形、物得氣而傳如此、可畏哉、

閩中才雋輩出、穎異之士頗多、能詩者十得六七、壺蘭以下、間有拘字、會城以上、則居然正音、彬彬風雅、亦云盛矣、第晉安一派、流傳未已、守林儀部高典籍之論、若金科玉條、稟不敢犯、動爲七律、如出一手、近頗有尤異之士、逸出其間者、然終不勝慎守故調者之多、八閩士人、咸能作小楷、而會城人尤工、此兩浙三吳所未有、

勿論江以北也。第舍古法不遵，而專學林處士  
寵處士正書，倣歐率更，而間以黃庭之意行之。  
處士意在以勁婉驛騎兩家，而學者專尚其斌  
媚，手腕一律，數見不鮮。並處士亦爲人口實矣。  
凡此皆予閩中憾事。至於蘭過嶺始芬，書十年  
卽腐，此則天制之，非人力所能爲也。

元武伯英咏燭剪一聯云：啼殘瘦玉，蘭心吐蹠。  
落春紅燕尾香。後人艷稱之。李君實以爲上句  
無味，改爲吐殘月魄，暮願動，蹴落花鬚，燕尾香。

後又改云朱櫻顆坼金蟲墮。絳樹花殘玉燕斜。  
自云綺麗予謂蠶頤二字不雅玉燕斜終不如  
燕尾之恰武之上句咏燭下句咏剪不必字字  
燭剪始爲工也。

李君實常言精墨乃松液所成又經化煉輕升  
滓濁盡去如膏如露濡毫之餘閒用吮吸靈奇  
之氣透入竅穴久久自然變易骨節澄鍊神明  
謂之墨仙非虛語也世謂耽書畫者必壽此理  
也耶予戲謂鞠通嗜墨屑遂能妙合琴理愈人

聾聵此必服食之一種。滕達道蘇浩然呂行甫皆好啜墨水。不徒作韻正欲得仙。北齊策秀才下者飲墨水一升。非徒罰其濫劣。正欲藉此妙藥豁其靈心耳。

李贊皇與白傅不協。終身不肯見其詞翰。恐一見便爲回心。宋延清乞其甥劉希彞。花落花開之句。許而不與。怒以土囊壓殺之。今人讀詩文者。痛癢了無覺觸。求其能以土囊壓人乞取佳句者。正不易得。况啓篋回心者乎。

蕭伯玉云馬季房詩黃茆白霧三千嶂瘦馬單  
衫十八盤秣陵舊院繡幕鶯花三月雨画梁燕  
語六朝春故自佳

陳士業曰唐人之文散亡而不傳者甚多其不  
足傳者無論乃若卓然見於韓柳文集如退之  
所稱之侯喜子厚所稱之吳武陵一以爲其文  
甚古一以爲可追西漢兩君著作必有大過於  
人者今其集俱無存矣歐陽公藝文志載有吳  
武陵詩一卷而他氏之目則俱無之若侯喜所



作則雖歐志亦已不覩其名。獨其載於英華文粹者。僅僅未絕耳。二人見推於韓柳之文。彰明較著如是。而其集俱不免于散亡。其他泯沒者。又何可勝道。宋之古文。始于穆伯長。伯長矯楊劉駢麗之習。力以韓柳爲宗。其後遂有蘇子美輩。典雅之文出焉。而尹師魯歐陽永叔翕然一變於古。則皆伯長所開也。然伯長不特長於古文。先天之圖。秦漢以來未發之祕也。而康節得自伯長。太極之圖。周孔未盡之蘊也。而茂叔亦

得自伯長。是宋之文。統與道統。皆自伯長倡之。  
伯長之文。必非無關係之作。今其集亦竟未見。  
于世。馬端臨通考。有穆修集三卷。而近日焦弱。  
侯太史。亦列其目於經籍志。與端臨卷數正合。  
則其集固未常亡。特未見有好事者。爲之流布。  
耳。嗟乎。古文之存於今日鮮矣。藏書之家。祕之。  
而不以示人。剗。剗之家。求之而不可遽得。兩者。  
不相爲謀。則是古文終無流布之日。可嘆也。  
徐世溥曰。詩文之傳。有幸有不幸焉。幸而出於。

童子則傳者什九。幸而出於婦人。女子則一脫口。箴不傳矣。今婦人之能詩。蓋鮮矣。以其爲婦人也。故人不求備。不大望焉。於是或並其陋者載之。古者太史採詩。以觀民風。自羈旅窮士。匹婦兒童之歌謠。莫不採之。以今揆之。必其出於男子者。十八九。而婦人之詩。一二也。孔子刪詩。定國風。婦人之詩。乃十居六七。豈當世婦人多能詩。而男子不嫺歟。抑豈以女子故。重之以男子而略之歟。後世太史採詩之職廢。而民間女

未聞有詩者。自非托於貴族。書於驛。拾於道。失身於倡家。而贈送遠人。微是四者。雖有谷風之怨。死麕之貞。無由得傳。故後世有貴姬與賤倡之詩。而無士庶妻妾之詩。斯所由古者多而今也少乎。

宛丘王氏十五歸。予卽能詩。如溪上云。小雨勻溪。穀閒花落。釣絲題。顧綉大士像云。月融全昧。指煙動。強名絲咏。侍兒纖指云。剔花春影。膩浣硯。墨痕纖。夜坐云。秋心增半夜。雨氣滿孤燈。小

女牽衣問大母平安云牽衣憐弱女學語問高  
堂貝葉菴春日云承花閒布席拜月自開簾聞  
警云薄命憐蟲臂全家在虎牙避暑柳下云半  
榻閒隨高樹葉一林獨聽晚蟬聲圍城云已分  
殘軀同鼠雀敢言大樹撼蜉蝣哭父云脉望生  
前寧作蠹蒼松化後不爲樗戲題三姊畫彌勒  
像云強顏一笑全無着覲面時逢號未來七夕  
云一夕綿綿億萬年猶勝人間白頭死皆有思  
致詩二百餘首小詞數十首余欲傳之輒欲自

焚曰、吾懼他日、列狡獪瞿曇後、穢跡女士中也、  
蓋自來刻詩者、方外之後、緊接名媛、而貞婦烈  
女、大家世族之詩、類與青樓泥淖竝列、姬每言  
之、輒以爲恨、予嘉其志、書而藏之、不敢付梓、並  
其名字、亦不忍露也、

楊穀茂才、上元尹、以苦役役其父兄、穀往訴之、  
尹以其高年、易之、試以詩、穀援筆成草、中射虎  
心、空在天上、屠龍事已、非之句、尹改容謝之、  
吳擴、字子克、崑山人、移家秦淮、崔駙馬山池一

詩云。平陽池館接青霄。閼苑瀛洲路不遙。帝女  
巧。將霞製錦。仙人常以鵲爲橋。樓前疊石雲生  
座。洞裏探梅雪滿條。詞客慣來陪賞洽。月明酣  
聽鳳皇簫。李于麟選入詩刪。子充卽元日賦詩。  
懷介溪閣老者。

盛仲交游祈澤寺。從佛龕中得弊紙書一律云。  
研池滿座落花香。墨透纖毫染漢章。靜卧初衣  
雲似水。高懸紙帳月如霜。枯浮野渡魚龍遠。錫  
振空山虎豹藏。幸對爐烟坐終日。煮茶清話得

徜徉友人褚傾呈雪庭法師座前清覽洪武辛亥暮春書清隱小軒周吉父云傾字本中不知是金陵何許人也

馬融圍碁賦橫行陣亂敵心駭遑迫兼其雅頗棄其裝按雅音義與岳同碁心及四角各據中一子謂之五岳言不可移動也卽今所謂勢子但今黑白子各二分據四隅耳中一子應黑應白必又有法古今道數亦自不同近余集生中丞創爲圓碁盤然其法與方碁盤亦無大異



圓觀、李源歌、三生石上竹枝詞者、甘澤謠、神僧傳、皆作圓觀、蘇長公作圓澤、

今人演武三思、素娥雜劇、鄙俚荒唐、見之令人噴飯、然實本於唐祠部郎中袁郊所作甘澤謠、或曰甘澤謠別自有書、今楊夢羽所傳、皆從他書鈔撮而成、僞本也、或曰夢羽本未出時、已有抄太平廣記中二十餘條爲甘澤謠以行者、則夢羽本又贗書中之重僞矣、

江淮謂群鶴旋飛爲鶴井、見酉陽雜俎、近聞人

日、鶴巢中銜土爲宮、含水貯之以飲雛、名鶴井、  
甘蔗聞雷而長、孔雀聞雷而孕、

黿腸屬於頭、故倒懸之、則頭垂於地、

食葉者有絲、食土者不息、食而不飲者蠶、飲而  
不食者蟬、不飲不食者蜉蝣、○孔雀尾端一寸  
名珠毛、○鶴左右脚裏第一指曰兵、爪俱見酉  
陽雜俎、

左傳莊公寤生、驚姜氏、杜預注、寤生、難產也、不  
言其詳、宋朱申注、武姜寐時生莊公、至寤方知

之以其寤寐而生、故武姜驚也、焦弱侯筆乘載、  
吳元滿說、據文理、寤當作寤、音同而字訛、迨者  
逆也、凡婦人產子、首先出者爲順、足先出者爲  
逆、莊公蓋逆生、所以驚姜氏、予以臆論之、今北  
方難產者、落地無聲、若熟寐然、以火氣薰接其  
臍、或從旁擊鏡以引其聲、始能寤、謂之草寐、十  
只有一二生全、頗使人驚、寤字原不訛、傳言莊  
公寤生、不言武姜寤生也、如魯齋注、則當云武  
姜寤生矣、魯齋注固可笑、硬改迨字、亦屬牽強。

不如杜注難產所包者廣也。水經注曰：徐君宮人娠而生卵，以爲不祥，棄於水濱。孤獨母有犬，名曰鵠，倉得棄卵，銜以歸。獨母以爲異，覆煖之，遂成兒。生時偃，故以爲名。按偃卽寤，生意。

廣韻藻載鶴頭書，古用以招隱士。按蕭子良古今篆隸文體曰：鶴頭書與偃波書俱詔板所用。漢謂之尺一簡。後人因唐詩有鶴書，猶未至那出白雲來，遂謂古用以招隱士。若其餘詔板皆不用此體，又若獨創此體以招隱士者，泥矣。

盧與累任大郡，或有無良惡跡之人，必行嚴斷，仍以所犯之罪刻石立本人門首，再犯處於極刑，民間畏懼，絕無犯法者，故民間呼其石爲記惡碑。右見天寶遺事。○卽今州縣送惡人牌懸門之始。

金日磾母死，詔圖畫甘泉宮，婦人圖形僅見此。呼延贊有膽勇，鷙悍輕率，常言願死於敵，徧文其體爲赤心殺賊，至於妻孥僕使皆然，諸子耳後別刺字曰：出門忘家爲國，臨陣忘死爲主，盛

冬以水沃孩幼，冀其長能寒勁健。其子常病，贊  
割股爲羹療之。見宋史。割股療兒，真大罕事。

身爲犧牲，禱於洪水。洪水無知，沒而後已。民思  
其仁，立廟以祀。嗚呼哀哉！不書於史。右五代晉  
趙元佐羊使君廟贊。○廟何地，羊何名，惜乎不  
傳。

俗尚九月九日，謂爲上九。茱萸至此日氣烈熟，  
色赤，可折其房以插頭，云辟惡氣禦冬。右見風  
土記。○上九字自無人用。

婆利國人善投輪其大如鏡中有窾外鋒如  
錐遠以投人無不中右見南北史○此亦軍中  
捷利之器投法亦不難講

南北史耿珣作馬上刻漏古稱其妙○馬上刻  
漏大是軍中所需今失其傳矣

高彪校書東觀後遷內黃令帝勅同僚臨祖送  
於上東門詔東觀畫彪以勸學者右見東漢書  
○圖形東觀文士雲臺

唐劉元濟遷著作佐郎自魯哀公十三世接戰

國爲魯後春秋○春秋卽難嗣響此書正恨失傳哀後十三世採撫何由頓富

象周公樂也南人服象爲虐於彝成王命周公以兵追之至於海南乃爲三象樂右見文選西征賦注○周公南征見此

嘗於友人案頭見易解是近賢所著忘其名中有一說謂坎離由乾坤再索而得雖爲中男中女而實則嫡男嫡女也此義甚妙蓋畫卦者自下而上必以中爲尊位故雖震之長男巽之長



女不得與坎離爭重。卽以五行之理考之。五行雖均爲天地之用。而不若水火之尤全。所以震巽皆處於木位。而坎離遂當以水火。彼先天乾南坤北之位。後天直以坎離居之。亦以坎離盡乾坤之用也。此與帝王傳位於嫡。何異。或曰。伏羲畫卦之時。未必卽有嫡庶。嫡庶之分。亦未必如此嚴也。不知上世卽無嫡庶。而嫡庶之理自備。猶上世一切制作未具。而後世宮室杵臼。官名物數。一一見之。星象者。當輕清上浮之始。必

已先示之矣。

天地止有水火二物。木則火之始。金則水之始也。而水火又止一物。蓋一物之呼而必吸。開而必闔也。而其呼吸開闔之轉關處。則土也。大熱之後。轉而大寒。非得土以滋息。不能爲此過接。而土實非外借。又卽大熱之盡頭。不繼處。自然有此休息耳。今思人身惟心腎二物。相爲消息。而肝木則引腎以上。滋心火。如膏火之間有燈心。傳送故曰肝者幹也。猶木之有幹也。肺金則

抑心火以下棲腎水。故肺主斂氣。氣者火之上  
昇也。然自水而上達於木火。其勢順而易。自火  
而曲入於金水。其勢逆而難逆。而難者非更佐  
以土不爲功。故肺金雖制心火。亦必心思稍就  
閒逸。合土之靜重。而後能斂其浮散之氣也。

離爲火。火陽精也。宜卦屬陽。而反中虛爲陰。坎  
爲水。水陰精也。宜卦屬陰。而反中滿爲陽。以知  
坎離蓋陰陽交嬪也。今觀水氣清冷而滋木。出  
火豈非坎中之陽。火氣炎烈而伏金。生水豈非

離中之陰然水竟能滋木而火必藉土伏金則又順逆之說也雖然土不獨功火而亦功水蓋土性中和火熱則滋其潤而伏金水寒則資其溫而滋木故土雖居中央而實旺四季卽木之舒而爲火金之斂而爲水何莫非滋於土也獨位於中央者從其至重者言之也若後天之易離火之後繼以坤土坎水之後亦繼以艮土又舉其并重於水火者言之也

既濟未濟以坎離合而成卦然坎上離下爲既

濟而中、互未濟、離上坎下爲未濟、而中互既濟、  
蓋火上水下、不能有生物之功矣、而中接以木、  
則水將上行、而火亦下降、水上火下、可以有成、  
物之用矣、而非中隔以金、則火將上行、而水亦、  
下注、是既濟之可、不至於未濟、而未濟之終、可、  
以爲既濟者、金木之爲用、亦不小也、

揲蓍之法、爲聖人神道設教、而作、而世人守之、  
若真有鬼神屑屑焉、告之以某卦某爻者、聖人、  
亦樂得其意、用之、實非如此也、何也、易之全理、

一卦一爻皆見聖人原就其時之消息位之當否而推其事勢所必至遂有吉凶悔吝之占耳。而况由一卦一爻而極其變又有不可窮盡者乎。故人之應事任舉一卦一爻無不可懸斷其休咎。決然不爽者。如乾之初九象爲潛龍占爲勿用。使欲爭訟時筮得此爻。雖復情真理直。或所處卑弱。難以見伸。亦且暫止。無爲輕動也。儻自反果無所枉而勢又可前。則龍旣非潛何爲勿用。如此方爲善體潛龍。勿用義以此推之。卽

此一爻斷盡天下無窮事類。君子居安樂玩正。是此理。但愚人難曉。易生怠玩。非藉神道不足以起其敬信。故聖人設爲揲蓍之法。若有鬼神告之者。使人鼓舞不倦耳。究竟揲蓍之時。雖值某卦某爻。亦必筮人爲庸衆解譬。但得深明易理。通其變例者。而與之言。則抱著問易之時。固不異君子居安樂玩時也。

儒者之論。一切休咎徵應。斷之以理。而纖緯術數之學。不之取焉。然世傳郭景純管公明諸人。

占驗之法有非理可格者。今時習見六壬諸書。所載有一物名一瑣事。無不可以術數推測。而合亦往往有驗者。此何理也。其數以任舉一物。或卽其所值之時。因以起例。夫任舉一物一時。而合必其再易一物一時。而無不合者。將天地之大運會之遠。皆於偶然一問相爲觸發。豈能盡諸若謂所值之一物一時。必非偶然。豈真有使之而然者。而鬼神於其所問之事物。一一預爲之安排造作。使其定舉是物。值是時。又爲之。



啓其靈心。引發見地。俾必出於此。而後能驗焉。  
不亦勞而難給乎。此真有不可解者。不得已以  
天機二字。模糊過去。天機是何等來歷也。請與  
天下人細勘此天機焉。

京氏易六十四卦次序。今日占家所祖。雖未必  
合乎伏羲文王之指。而亦自有其理。蓋易以變  
爲用者也。故首之以八卦。其下第二卦第一爻。  
變第三卦。第二爻同變。第四卦。第三爻同變。第  
五卦。第四爻同變。第六卦。第五爻同變。至於五

爻變而止矣。不可以更進。於是乎退而化焉。化  
卽於五爻。則復爲第五卦矣。故隔一爻而後化。  
以其隔一爻也。而謂之遊魂。第七卦承上卦而  
化其第四爻者也。第八卦則舉下卦之全體合  
同而化。以其下體之復於本卦也。而謂之歸魂。  
總而言之。到底不變者。上爻也。一變而已者。五  
爻也。一變再化者。下四爻是也。蓋亦莫非天地  
自然之數也。

易有七八九六。而爻但繫九六者。舉隅之義也。

故發其例於乾坤二卦。曰用九用六用其變也。亦有用其不變者。春秋傳穆姜遇艮之八是也。今卽以艮言之。二爻獨變則名之六。餘爻皆變。而二爻獨不變則名之八。是知乾坤亦有用七用八時也。乾爻皆變而初獨不變曰初七潛龍勿用可也。坤爻皆變而初獨不變曰初八履霜堅冰至可也。占變者其常也。占不變者其反也。故聖人繫之九六。如近日占家之有重交單拆。不可以定名也。舉重交以包單拆。此臨文之不

得不然。讀者固不可以執一也。○國語晉公子  
筮得貞屯悔豫皆八。註震下坎上屯坤下震上  
豫得此兩卦。震在屯爲貞。在豫爲悔。八謂震兩  
陰爻在貞在悔皆不動。故曰皆八。又董因對公  
曰。臣筮之得泰之八。註乾下坤上泰。陰爻不動。  
其數皆八。

天陽積氣也。包乎地外。地陰積形也。浮于天中。  
故人身衛氣在皮。榮氣在肉。肺腎統氣居心脾  
肝之外。心脾肝統血。居肺腎之中。目之白睛居

外黑睛居中。血陰而氣陽。陽外而陰內也。

人身全體象太極。負陽抱陰象兩儀。頭身足象三才。心肝脾肺腎象五行。肺心居上。脾居中。肝腎居下。其序符乾一兌二離三震四巽五坎六艮七坤八之位次。象八卦。八卦土居後。五藏土居中。居中以統四。猶居後以統前也。居上爲陽。分則尊。尊者逸。居下爲陰。分則卑。卑者勞。居中則亦尊亦卑。亦逸亦勞。是以肺居上而不用心。爲君主。無時不用。而實不自用。脾司意想。肝司

謀慮腎司技巧三者則無時而不用有君臣之義焉心肺陽陽主施肝腎陰陰主受脾統陰統陽不施不受故肝受肺夫之氣以有膽膽代肺金以司斷是以決斷則用膽腎受心君之氣以有命門命門代心火以司動是以撮吸呼召則用命門有夫妻父子之情焉又肝爲陰之陽故肝膽分而其體猶合腎爲陰之陰故左水右火判而體爲二心肺脾則一而不分是又陰陽奇偶之別歟。

鼻者肺竅也。而知心之臭。舌者心竅也。而知脾之味。耳者腎竅也。而知肺之聲。目自知肝色。脾若無知焉。其理安在。難經謂辛金生子。故聲入腎竅。丁火生酉。故臭入肺竅。信如此言。則乙木生午。舌當辨色。癸水生卯。目當出液。今推之于舌。于目。則不然。非的論也。愚謂五藏相連。近者受氣。肺近心。故鼻知臭。心近脾。故舌知味。脾居中。統四不局一行。近肝而剋于肝。剋者不受還色。于肝。故目知色。腎下極。則反上上通於肺。故

耳知聲。腎液無所受。附齒寄脾。故出口也。蠡海錄謂陽金死子而陰金生。故耳知聲。陽火死酉而陰火生。故鼻知臭。于舌知味。處不能通。亦非的論云。

蘇長公譏揚雄好爲艱深之辭。以文淺易之見。極中其膏旨。而重入者。至謂其以太元擬易。以法言擬論語。有僭經之罪。亦不足以服其心。夫聖人之言。偶成一體。垂之後世。何妨爲誦法者所效。倣左傳本之尚書。四言本之三百。後人之



文因前人規模者何限若夫辭有繁簡製有多  
岐則踵事而漸增者耳卽如尊經翼聖莫如朱  
紫陽而綱目一書全擬春秋且以託始威烈爲  
直接麟經之嫡統者又何以解乎故曰不足以  
服其心也若以規規摹襲畧無生韻開後世擬  
託之濫觴爲子雲嘲笑則可耳罪之僭經知平  
反藝苑者當必爲之末減矣彼易林亦屬擬易  
而文辭奧異爲後世所推重亦未聞其以僭經  
罪也○蘇明允作春秋論謂孔子以天子之權

予魯未嘗自作而遷固之史有是非而無賞罰  
史臣之體宜爾至末則曰後之效孔子作春秋  
者吾惑焉謂其賞人功赦人罪去人族絕人國  
而貶人爵皆天子之權而非他經可比也況進  
退天子之爵號乎以此言之則紫陽僭經之罪  
似浮于子雲而後世不之及予固未敢深論也  
予嘗自坐一室見几上銅爐僅有火未嘗爇香  
而霏霏若有烟氣微香時來撲鼻因細察之蓋  
爐之有覆蓋者蓋上鑿花使其玲瓏空洞烟從

隙中出。歲久烟多熏積。蓋上可錢大餘一片色如漆。面下者潤類脂有光。以火著灰中。炎蒸黑脂處。如蕪香者然。但較香篆稍微。細氤氲之間。清靄髣髴睇目良久。嫵如輕綃迫而視之。蓋無有也。香氣擬沈水初熬。未火時異馥芬然有踰郁烈。蓋黑脂處皆香之精液所凝結。故特爲妙異。如此因悟香臭之達于鼻。雖本無形。皆有若可見者。冉冉而至。以其氣分清虛運之速。而人不目覩耳。

昔人云唐人詩有八百家。宋洪景盧集萬首唐絕。僅見五百家。若今日流傳于世者。不過二百家耳。虞山先生嘗爲予言。丙戌年在都門。于灰燼中。檢出宋刻唐詩數冊。乃宋人趙氏所彙集。分門別類。無體不備。自序言其家藏唐人詩集千家。彙成此書。計全書可五百餘冊。虞山所得。不過天文等一二類。中多未見詩。如薛濤世但傳其絕句耳。此中載濤律詩甚多。他可類推。其書是明仁宗東宮所閱。上有監國之寶。後先生

絳雲樓災并此數冊亦不可得見矣。世上奇書  
秘籍所不傳者何限。而腐爛之文集無稽之紀  
錄。濫惡之時文。鄙俚之詞曲。反有傳者。亦可慨  
也。

近人著述如博古賞鑒飲食器具之類皆有成  
書。獨無言及營造者。宋人李誠之有營造法式  
卅卷。皆徽廟宮室製度。如艮岳華陽諸宮法式  
也。聞海虞毛子晉家有此書。凡六冊。式皆有圖  
款識高妙。界畫精工。竟有劉松年等筆法。字畫

亦得歐虞之體紙板黑白之分明近世所不能及子晉翻刻宋人秘本甚多惜不使此書一流布也

樊宗師文詰屈贅牙古今所駭今世僅傳其越王樓序絳守居園池記一二篇而已韓退之爲其墓誌稱其有文三百餘卷生平之著述亦多矣乃卒不傳句曲張菊人大令嘗于河北逆旅人家敗簾中見有樊宗師文一冊是寫本蟲穿蟻蝕半皆朽蠹以意繹之大抵皆序記類語也

詩文必平暢典則始可傳達如樊之作其不傳也宜哉。

河北有層山。山甚靈秀。山峰之上立石數百丈。亭亭桀豎。競勢爭高。遠望參參若攢圖之託霄上。其下層巖峭舉。壁岸無階。懸崖之中多石室焉。室中若有積卷矣。而世士罕有津逮者。因謂之積書巖。巖內時見神人往還。蓋鴻衣羽裳之士。練精餌食之夫耳。水經注虞山先生有津逮軒。毛子晉津逮秘書皆本此也。